

Столбец

ВКП(б)-лэн Удмуртской АССР-ысь Иж райономезлэн но райсоветлэн органы.

6-тй арзэ потэ. № 62 (655) 14 июль 1940 ар Дуныз 5 коп.

Карело-Финской ССР-лэн Верховной Советэзлэн нырысетй Сессиез

Карело-Финской ССР-лэн Верховной Советэзлэн нырысетй Сессиез, кудйз ортче Петрозаводскын, 10 июле обсудить карйз но кутйз «Карело-Финской ССР-лэн трудящой-ёсызлэн депутат'ёсылэн городской, районной, сельской но поселковой Совет'ёсазы быр'ён'ёс сярись Положениез».

Сессия бырйиз Карело-Финской ССР-лэн Верховной Советэзлэсь Президиумзэ.

Карело-Финской ССР-лэн Верховной Советэзлэн Президиумезлэн Председателеныз Куусинен эш быр'емын.

(ТАСС).

Пудолы тырмыт сион дасяно

Колхоз'ёсы: общественной пудо вордонэз паськытатон сярись партилэн но правительстволэн постановлениоссы котькуд колхоз азын усётэ паськыт сюрес пудо вордонэз азыланьын трослы паськытатон понна. Асьме районьсь тросэз колхоз'ёс социалистической пудо вордонэз жутон вылысь бадзым уж ортчыто. Кылдыто выль фермаос пёртэм пудоосты вордон понна, усётэ гурт тылобурдоосты вордон фермаос. Туэ гинэ 6 толэзь куспын 42 пёртэм фермаос кылдытэмын.

Пудо вордонэз паськытатон понна кулэ кылдытыны юн пудо сион база, сотэк азыланьын пудо вордонэз жутон сярись вераськон сурпыльтэмен гинэ луэ. Уката но со валамон луыны кулэ котькуд кивалтйсьлы но колхозниклы кылем арын урокысь, куке куд-ог колхоз'ёсын пудо сион сярись сюлмаськытэнызы, пудоослы сионзы толалтэ өз тырмы ни.

Нош озы ке но, кылем арын лэсьтэм янгыш'ёс туэ выльысь лэсьтйсько. Со сярись умой возматэ турын октон-калтонлэн, силосовать каронлэн, писпу куар дасяналэн ляб мынэмзы. Районын турынэз октон-калтон план жыныз сяна быдэстымтэ, силосовать каремын план'я пус'ем сярись 19 процент гинэ, писпу куар дасямын ваньзэ-өвөлзэ 20 процент. Та лыдпус'ёс верало кышкытлык сярись, кудйз кылдэмын та бадзым но ответственной ужрадэз ортчытоньин.

Тани басьтомы Верхне-Люкской но Люкской сельсовет'ёсты. Ведь татын туннэ нуналовэ одйг тонна но силос но писпу куар но өвөл дасямын. Чылкак паймымон, ма малпаса ужало сельсовет'ёслэн исполком'ёсылэн председателёссы Кочуров но Вятчанин эш'ёс но колхоз'ёслэн председателёссы. Озы ик пудо сион сярись сюлмаськытэзэс возматэ «Коминтерн» колхозлэн председателэз Карачев эш но Карл Марксэн нимыныз нима колхозлэн председателэз Кочуров эш. Та колхоз'ёсын чиньызэс но өз йёттылэ на силосовать карыны но писпу куар дасяны.

Пудо сион дасяны сюлмаськысь колхоз'ёслэн примерзы возматэ, ма лэсьтыны луоню мылын-кыдын уж борды кутскон дыр'я. Юськинской сельсоветысь «Выль улон» колхоз, кылсярись, 72 тонна силос, 300 центнер писпу куар дасяны, возь выльысь турынэз азинлыко октызы-калтйзы. «Передовик» колхозын 50 тонна силос но 135 центнер писпу куар дасямын. Та колхоз'ёслэн председателёссы Каменев но Борисов эш'ёс но колхозник'ёс валазы, что пудо вордонэз юн пудо сион база кылдытытэк азыланьын жутыны уд быгаты.

Азьмынйсьёслэн примерзы кулэ жоген быдэстыны турын октон-калтонэз, дасяны тырмыт силос но писпу куар. Сое кулэ каре асьмелэн колхозной хозяйствомы но асьмеос сое быдэстыны кулэ.



Черновица город котырын ульсьёс Красной армиялэсь частьёссы шумпотыса пумигало.

Фотосз Б. Федосеевлэн ТАСС-лэн фото-клишеез

СССР-лэн Совнаркомз но ВКП(б)-лэн ЦК-аз

СССР-лэн Совнаркомез но ВКП(б)-лэн ЦК-ез та нунал'ёсы эскеризы Цветной Металлургилэн наркоматэзлэн ужамез сярись ужпумез.

Эскерыса, тодэмын, что Цветной Металлургилэн Наркомез Самохвалов эш производстволэсь программазэ лыдыз'я быдэстонэн уш'яськыны понна кудке дыр'я тупатылэм стандарт'ёсты тйяллыз но куд-ог продукциосты урод зечлыкэн поттылйз.

СССР-лэн Совнаркомез но ВКП(б)-лэн ЦК-ез постановить каризы Самохвалов эшез Цветной Металлургилэн Народной Комиссарезлэн постысьтыз куштыса, сое низовой хозяйственной уже ыстон сярись СССР-лэн Верховной Советэзлэн Президиумаз ходатайствосн пырыны.

ВКП(б)-лэн ЦК-ез постановить кариз ВКП(б)-лэн ЦК-яз членэ кандидат'ёс пöлысь Самохвалов эшез

поттон сярись вопросэз эскерыны ВКП(б)-лэн конференцияз.

Бессарабиез румынской бояр'ёс ки улысь мозмытэмен валче но сое Советской Союз борды каремен СССР-лэн составысьтыз молдавской калык трослы будйз но табере со ог кык миллион муртозь вуэмын ни.

Соин валче Молдавской АССР-лэн Совнаркомез но КП(б)У-лэн Молдавской Обкомез СССР-лэн СНК-езлы но ВКП(б)-лэн ЦК-езлы чектон сётйзы, Бессарабиысь молдавской калыкез Молдавской автономной республикаысь молдавской калыкен огазе карон сярись но союзной Молдавской советской социалистической республика кылдытон сярись.

СССР-лэн СНК-ез но ВКП(б)-лэн ЦК-ез молдавской организациослэсь куремзэс поддержат карыса, решитй каризы СССР-лэн Верховной Советаз сыче ик чектон сётйны.

Железнодорожник'ёслэн Всесоюзной нуналзы сярись

СССР-лэн Совнаркомез железнодорожник'ёслэсь Всесоюзной нуналзэс праздновать каронэз 1940 арын 30 июльысь арня нуналэ—4 августэ перенести карыны пуктыз.

Воно ар'ёсын железнодорожник'ёслэсь нуналзэс праздновать карон луоз август толэзьлэн нырысегй арня нуналаз.

(ТАСС).

Выль заемлэн азинлык'ёсыз

Куиньметй Пятилеткалэн Заемезлы (куиньметй арезлэн выпускезлы), гожтйськонлэн мынэмез

Куиньметй Пятилеткалэсь Заемзэ (куиньметй арезлэсь выпускэс) вöлдон район'я азинлыко ортче. 13 июле азелы 720 сюрс манет гожтйськемын ини. Кылем арын сярись 168 сюрс манетлы трос луэ. Рабочийёс но служащойёс государстволы пунэмен коньдонзэс сётйзы 462,7 сюрс манет, колхозник'ёс — 257,3 сюрс манет.

Азинлыко ортче заемез вöлдон Ягульской, Козловской, Больше-

Киянской сельсовет'ёсын. Нош бере кылё Советско-Никольской, Верхне-Люкской, Лудорвайской сельсовет'ёс.

13 июльы заемлы взнос'ёс 71,8 сюрс манет тыремын. Заемлы гожтйськем взнос'ёс поступать каро Ягульской, Козловской сельсовет'ёсысь. Быдэсак взносэс тыризы ини «Диктатура», «Броневики», «Сигнал», «Сокол», Красинлэн нимыныз нима колхоз'ёсысь колхозник'ёс.

Германия но Англия куспын война

Германия но Англия куспын азы-выл сямен ик военной действиос авиацилэн налет'ёсыныз но море вылын куд-ог ваче вуылон'ёсын гинэ ортчо.

10 июле публиковать карем германской командованилэн сводкаяз ивортйське, что омырысен налет'ёс лэсьтыку выйтэмын вал Англилэн одйг патрульной судноез но куинь вуз нуллон пароход'ёсыз. Дасэзлы вуз нуллон пароход'ёслы бадзым повреждениос лэсьтэмын. Куд-огез соос пöлысь жуаны кутскылызы. Бомбардировать каремын озы ик данак город'ёсысь военной завод'ёс.

9 июле англичан'ёс бойын ыштйзы 29 самолётсэс.

Берло дырын море вылын германской действиосын сэрэн быдтэмын 12 вуз нуллысь судноос. Соос пöлысь Англилэн 6 пароход'ёсыз, союзник'ёслэн — 3 но нейтральной странаослэн — 3.

Лондонын опубликовать карем официальной ивортон'я, Дюнкеркысен Франциысь эвакуировать карем 9 английской дивизиос быдэсак дасьлыкын луо. Соос укомплектовать каремын командной составен, оружиен обеспечить каремын. Мукет'ёсыз но английской дивизиос озы ик быдэсак дасямын. Интыысь обороналэн отряд'ёсаз лыд'яське 1 миллион муртлэсь но трос.

(ТАСС).

Уг дырто

Юськинской сельсоветысь «Красная звезда» колхозын ю нянь октон-калтонлы дасьясконэн уг дырто. Ю-тысь кыстан кенос сузатэ, дезинфекция лэсьтымтэ, кладовщик куриз вал колхозлэн бригадирезлэсь Брызгалов эшлэсь та уж'ёсты быдэстон понна ужась но со шуиз: «Ю тысье кенос туннэ ик кыстанно өвөл, вуом али».

Колхозлэн бригадирез ик етин уронэз аналтйз, соин валче етинын трос жуг-жаг турын'ёс.

З. Рысов.

Пинал'ёслы ясли кылдытоно

Сов-Никольской сельсоветысь Калининлэн нимыныз нима колхозын октон-калтон уж'ёс кутскизы ке но, нылпиослы площадка но ясли усётэмын өвөл на.

Пинал'ёс гуртэ кылё асьсэ понна, нош кудйз нылкышноос пинал'ёссэс гуртэ кельтыны нокинэн шуыса, ужаны уг потало. Нош татын ясли кылдытэмын луысал ке, ваньмыз колхозницаос ужасалзы но сонн тйни октон-калтонэз вакчи дыр куспын йылпум'ясалзы, нош пинал'ёс умой воспитание басьтысалзы.

Татын озы ик ю октон-калтонлы но урод дасяныко. Турнан машинаосты тупат'ямтэнызы колхозник'ёс кусоосын турнало. Та дырозь аран машинаос, кутсаськон машинаос но уробоос тупат'ямтэ, ужан план лэсьтымтэ, звеноос өвөл кылдыт'ямын.

Колхозник.

